


四分律藏


卷十三

三百廿二  
睦三

99005



Vertical stamp or seal impression with Chinese characters, likely a library or collection mark.



四分律藏卷第十三

姚秦三藏佛陀耶舍共竺佛念譯

四分律藏初分

尔時佛在舍衛國祇樹給孤獨園時尊者難  
陀為眾僧所差教授比丘尼教授比丘尼已  
默然而任尔時大愛道語言尊者難陀我等  
欲得聞法願更與我等說尔時尊者難陀與  
說法已默然而任大愛道復重請言我等欲  
得聞法願與我等說時尊者難陀好音聲為  
說法聽者樂聞遂至日暮時比丘尼出祇桓  
精舍往舍衛城城門已閉不得入門便即依  
門外城塹中宿晨旦門開在前入城時諸長

者見已皆言沙門釋子無有慙耻無清淨行  
自稱言我修正法如是有何正法汝等皆觀  
此比丘尼竟夜與比丘共宿晝便放還諸比  
丘聞衆中有少欲知足行頭陀樂學戒知慙  
愧者嫌責言云何難陀與比丘尼說戒乃至  
日暮使諸長者嫌責耶諸比丘往世尊所頭  
面禮足在一面坐以此因緣具由世尊世尊  
亦時以此因緣集比丘僧知而故問尊者難  
陀汝實與比丘尼教戒至日暮耶答曰實亦  
亦時世尊以無數方便呵責難陀言汝所為  
非非威儀非沙門法非淨行非隨順行所不  
應為云何難陀與比丘尼說法教戒乃至日

暮耶呵責已告諸比丘此難陀癡人多種有  
漏處最初犯戒自今已去與比丘結戒集十  
句義乃至正法久任欲說戒者當如是說若  
比丘為僧差教授比丘尼乃至日暮者波逸  
提比丘義如上僧者一教授一羯磨教授者  
衆僧中差白二羯磨彼比丘衆僧所差教授  
比丘尼應乃至日未暮當還若比丘教授比  
丘尼乃至日暮者波逸提除教授若受經若  
誦經若問若以餘事乃至日暮突吉羅除此  
比丘尼已若為餘婦女誦經若受經若問若以  
餘事至日暮突吉羅若日暮日暮想波逸提  
日暮疑突吉羅日暮不日暮想突吉羅不日

暮日暮想突吉羅不日暮疑突吉羅比丘尼  
突吉羅式义摩那沙弥沙弥尼突吉羅是謂  
為犯不犯者教授比丘尼日未暮便休除婦  
女已若為餘人教誦經受經若問若以餘事  
不犯若船濟處說法比丘尼聽共與賈客共  
行夜說法若至比丘尼寺中說法若說戒日  
來在眾中請教授人值說法便聽無犯  
無犯者最初未制戒癡狂心亂痛惱所纏十二  
竟二

尔時佛在舍衛國祇樹給孤獨園時彼比丘  
尼聞教授師來半由旬迎安處房舍辦粥若  
飲食牀座具洗浴處尔時六群比丘作是念

彼諸比丘不差我等教授比丘尼生嫉妬心  
彼諸比丘教授比丘尼無有真實但為飲食  
故教授比丘尼誦經受經若問時諸比丘聞  
其中有少欲知足行頭陀樂學戒知慙愧者  
嫌責六群比丘云何作如是語諸比丘不差  
我等教授比丘尼便生嫉妬心彼諸比丘教  
授比丘尼無有真實但為飲食故教授比丘  
尼若誦經受經若問諸比丘往世尊所頭面  
禮足已在一面坐以此因緣具白世尊世尊  
今時集比丘僧呵責六群比丘言汝所為非  
非威儀非沙門法非淨行非隨順行所不應  
為云何六群比丘乃作是言彼諸比丘不差

我等教授比丘尼便生嫉妬心彼諸比丘教  
授比丘尼無有真實但為飲食故教授比丘  
尼若誦經受經若問世尊以無數方便呵責  
六群比丘已告諸比丘此癡人多種有漏處  
最初犯戒自今已去與比丘結戒集十句義  
乃至正法久住欲說戒者當如是說若比丘  
語諸比丘作如是語比丘為飲食故教授比  
丘尼者波逸提比丘義如上彼比丘作是言  
諸比丘為飲食故教授比丘尼為飲食故教  
誦經受經若問說而了了者波逸提不了了  
者突吉羅比丘尼突吉羅式叉摩那沙弥沙  
弥尼突吉羅是謂為犯不犯者其事實尔為



飲食供養故教授比丘。比丘為飲食故教誦經受  
經若問若戲笑語獨處語夢中語欲說此乃  
錯說彼無犯無犯者最初未制戒癡狂心亂  
痛惱所纏

三竟十

尔時佛在舍衛國祇樹給孤獨園。尔時舍衛  
城中有一乞食比丘。威儀具足。時有比丘尼  
見便生善心。數請彼比丘。比丘不受。後於異  
時。祇桓眾僧分衣物。此比丘持衣。分出祇桓  
門。彼比丘尼方來入。祇桓。彼比丘念言。此比  
丘尼數數請我。而我不受。我今寧可持此衣  
分用。請彼。彼必不取。足以相遺。時此比丘語  
比丘尼言。大妹。此衣是我分。須者可取。時比

丘尼輒便受之此比丘嫌責比丘尼數數向  
人說言彼比丘尼數數請我以鉢中遺餘與  
我而我不取作如是念彼比丘尼數數請我  
以鉢中遺餘與我而我不取我今寧可持此  
衣分與彼比丘尼彼必不受足以相遺而欲  
便受之尔時諸比丘聞其中有少欲知足行  
頭陀樂學戒知慙愧者嫌責彼比丘言云何  
比丘與比丘尼衣不捨而請他耶諸比丘往  
世尊所頭面禮足在一面坐以此因緣具白  
世尊世尊尔時集比丘僧呵責彼比丘汝所  
爲非非威儀非沙門法非淨行非隨順行所  
不應爲云何比丘與比丘尼衣不捨而請他

以無數方便呵責彼比丘已告諸比丘此癡人多種有漏處最初犯戒自今已去與比丘結戒集十句義乃至正法久住欲說戒者當如是說若比丘與比丘尼衣波夜提如是世尊與比丘結戒其中有比丘畏慎不敢與親里比丘尼衣白佛佛言自今已去聽與親里比丘尼衣若與非親里比丘尼衣者波逸提如是世尊與比丘結戒尔時祇桓中二部僧共分衣物比丘衣分比丘尼得比丘尼衣分比丘得時比丘尼所得衣持來詣僧伽藍中白諸比丘大德持此衣共貿易耶比丘荅言諸妹我曹不得與非親里比丘尼衣尔時諸

比丘白佛言自今已去若賀易聽與非親里比丘尼衣自今已去當如是說戒若比丘與非親里比丘尼衣除賀易波逸提比丘義如上說非親里者亦如上說親里者亦如上衣者有十種如上說賀易者以衣易衣以衣易非衣以非衣易衣鍼賀刀若縷線下至藥草一片若比丘與非親里比丘尼衣除賀易波逸提比丘尼突吉羅式叉摩那沙彌沙彌尼突吉羅是謂為犯無犯者與親里衣共相賀易與塔與佛與僧無犯無犯者最初未制戒癡狂心亂痛惱所纏二十  
四竟

爾時佛在舍衛國祇樹給孤獨園爾時有比

丘尼欲作僧伽梨以作衣故來至僧伽藍中  
語尊者迦留陁夷大德我持此衣裁欲作僧  
伽梨願尊者與我作迦留陁夷報言我不能  
作問言何故不與我作報言汝等喜數來相  
催促故不能作比丘尼報言我不數來相催  
隨作竟與我迦留陁夷報言可尔時比丘尼  
授衣與之而去迦留陁夷善知作法即與裁  
之作男女行姪欲像時比丘尼來至僧伽藍  
中問迦留陁夷言大德爲我成衣未耶答言  
衣已成比丘尼言衣若成者今可見與時迦  
留陁夷即褰衣授與之語言大妹當知此衣  
不得妄解披看亦莫示人若白時到當著此

衣在比丘尼僧後行時比丘尼如其教亦不披衣看復不語人知後於異時白時到即著此衣在比丘尼僧後行諸居士見皆譏笑或拍手相向或打木或嘯或高聲大笑言汝等看此比丘尼所著衣汝等看此比丘尼所著衣時摩訶波闍波提比丘尼見已語此比丘尼言大妹速脫襞此衣即便襞之著肩上時摩訶波闍波提比丘尼食後還僧伽藍中語彼比丘尼言取汝向者衣來我欲看之即持出示之問言誰與汝作此衣報言是迦留陀夷作語言何不披看持示同學耶縫割好不牢不時比丘尼以迦留陀夷所勅事具向說

之時比丘尼衆中有少欲知足行頭陀樂學  
戒知慙愧者嫌責迦留陀夷云何與比丘尼  
乃作如是衣尔時比丘尼白諸比丘諸比丘  
往白世尊世尊以此因緣集比丘僧知而故  
問迦留陀夷言汝實與比丘尼作如是衣耶  
答言實尔世尊以無數方便呵責迦留陀夷

言汝所爲非非威儀非沙門法非淨行非隨  
順行所不應爲云何乃與比丘尼作如是衣  
耶呵責迦留陀夷已告諸比丘此癡人多種  
有漏處最初犯戒自今已去與比丘結戒集  
十句義乃至正法久住欲說戒者當如是說  
若比丘與比丘尼作衣者波逸提如是世尊

與比丘結戒時諸比丘畏慎不敢與親里比丘尼作衣往白佛佛言自今已去聽比丘與親里比丘尼作衣自今已去當如是說戒若比丘與非親里比丘尼作衣者波逸提比丘義如上說非親里親里者如上衣者有十種亦如上若彼比丘與非親里比丘尼作衣隨刀截多少波逸提隨一縫一鍼亦波逸提若復披看牽挽熨治以手摩捫若捉角頭挽方正安帖若緣若索線若續線一切突吉羅比丘尼突吉羅式叉摩那沙弥沙弥尼突吉羅是謂為犯不犯者與親里比丘尼作與僧作若為塔若借著浣染治還寺無犯無犯者最



初未制戒癡狂心亂痛惱所纏

二五竟

尔時世尊在舍衛國祇樹給孤獨園尔時尊者迦留陁夷顏貌端正偷蘭難陁比丘尼亦復顏貌端正與人有異迦留陁夷有欲意於偷蘭難陁比丘尼偷蘭難陁比丘尼亦有欲意於迦留陁夷尔時迦留陁夷清旦著衣持鉢往至偷蘭難陁所在門外共一處坐時諸居士見已皆共嫌之各自相謂言汝等觀此二人共坐猶如夫婦亦如鴛鴦尔時諸比丘聞其中有少欲知足行頭陁樂學戒知慙愧者嫌責迦留陁夷云何與偷蘭難陁比丘尼在門外共一處坐耶尔時諸比丘往世尊所

頭面禮足在一面坐以此因緣具白世尊世尊以此因緣集比丘僧知而故問迦留陁夷言汝實與偷蘭難陁比丘尼在門外共一處坐耶荅言實尔尔時世尊以無數方便呵責迦留陁夷言汝所為非非威儀非沙門法非淨行非隨順行所不應為云何與偷蘭難陁比丘尼共在門外一處坐耶呵責迦留陁夷已告諸比丘此癡人多種有漏處最初犯戒自今已去與比丘結戒集十句義乃至正法久住欲說戒者當如是說若比丘與比丘尼在屏處坐者波逸提比丘義如上一處者一是比丘二是比丘尼屏障處者見屏處聞屏

處見屏處者若塵若霧若烟雲若黑闇不見也聞屏處者乃至不聞常語聲障者若樹若牆若籬若衣若復以餘物障若比丘獨在屏處與比丘尼坐者波逸提若盲而不聾聾而盲目突吉羅立住者突吉羅比丘尼突吉羅式叉摩那沙彌沙彌尼突吉羅是謂為犯不犯者若比丘有伴若有智人有二不盲不聾不聾不盲若行過卒倒地若病轉側或為力勢所持若被繫閉若命難梵行難無犯無犯者最初未制戒癡狂心亂痛惱所纏二十六竟尔時世尊在舍衛國祇樹給孤獨園尔時六群比丘與六群比丘尼在拘薩羅人間遊行

諸居士見皆共嫌之沙門釋子無有慙愧不  
修梵行外自稱言我修正法如是有何正法  
與比丘尼人間遊行若有所欲便下道諸比  
丘聞其中有少欲知足行頭陁樂學戒知慚  
愧者嫌責六群比丘言去何與六群比丘尼  
共人間遊行耶諸比丘往至世尊所頭面禮  
足在一面坐以此因緣具白世尊世尊以此  
因緣集比丘僧呵責六群比丘言汝所爲非  
非威儀非沙門法非淨行非隨順行所不應  
爲去何六群比丘與六群比丘尼共在人間  
遊行耶世尊以無數方便呵責六群比丘已  
告諸比丘此癡人多種有漏處最初犯戒自

今已去與比丘結戒集十句義乃至正法久  
住欲說戒者當如是說若比丘與比丘尼共  
行從一村乃至一村間者波逸提如是世尊  
與比丘結戒時諸比丘不先與比丘尼共期  
卒道路相遇畏慎不敢共行佛言若不期無  
犯自今已去應如是說戒若比丘與比丘尼  
共期同一道行乃至一村間波逸提如是世  
尊與比丘結戒時衆多比丘從舍衛國欲  
至毗舍離時衆多比丘尼亦從舍衛國欲至  
毗舍離諸比丘尼問比丘言大德欲何所至  
耶諸比丘報言我欲至毗舍離比丘尼言大  
德我亦欲往諸比丘報言大妹若欲往者當

在前我等在後若我等在前大妹在後何以  
故世尊制戒不得與比丘尼同道行諸比丘  
尼言大德是我等上尊應在前我等在後時  
諸比丘尼在後為賊所劫失衣鉢諸比丘以  
此事具白世尊世尊言自今已去若與估客  
行若疑畏怖無犯自今已去當如是說戒若  
比丘與比丘尼同期一道行從一村乃至一  
村除異時波逸提異時者與估客行若疑畏  
怖時是謂異時比丘義如上期者言共去至  
某村某城某國土有疑處者疑有賊劫盜恐  
怖者有賊劫盜道者村間有分齊行處是若  
比丘與比丘尼期同一道行乃至村間分齊

處隨衆多界多少一波逸提非村若空處  
行乃至十里波逸提若減一村若減十里突  
吉羅若多村間同一界行突吉羅方便欲去  
共期莊嚴一切突吉羅比丘尼突吉羅式义  
摩那沙弥沙弥尼突吉羅是謂為犯不犯者  
不共期大伴行疑恐怖處若往彼得安隱若  
為力勢者所持若被繫若命難梵行難無犯  
無犯者最初未制戒癡狂心亂痛惱所纏十二  
竟七

尔時佛在舍衛國祇樹給孤獨園尔時六群  
比丘與六群比丘尼共乘船上水下水時諸  
居士見皆共嫌之自相謂言沙門釋子不知

慙愧不修梵行外自稱言我修正法如是何  
有正法與比丘尼共乘船上水下水若有所  
欲時便住船岸邊隨意尔時諸比丘聞其中  
有少欲知足行頭陁樂學戒知慙愧者嫌責  
六群比丘云何與六群比丘尼共乘船上水  
下水諸比丘往世尊所頭面禮足在一面坐  
以此因緣具白世尊世尊以此因緣集比丘  
僧呵責六群比丘汝所為非非威儀非沙門  
法非淨行非隨順行所不應為云何與六群  
比丘尼共乘船上水下水世尊呵責已吉諸  
比丘此癡人多種有漏處最初犯戒自今已  
去與比丘結戒集十句義乃至正法久住欲



說戒者當如是說若比丘與比丘尼共乘船上水下水者波逸提如是世尊與比丘結戒今已去當如是說戒若比丘與比丘尼共期同一船上水下水者波逸提如是世尊與比丘結戒今時有衆多比丘欲渡恒水從此岸至彼岸今已去當如是說戒若比丘與比丘尼共期同一船上水下水者波逸提如是世尊與比丘結戒今時衆多比丘尼亦欲渡恒水從此岸至彼岸

諸比丘尼往問言大德欲何所至耶

比丘報言我等欲渡恒水比丘尼言可得共伴渡不諸比丘報言諸妹在前我等在後若不今已去當如是說戒若比丘與比丘尼共期同一船上水下水者波逸提如是世尊與比丘結戒今時有衆多比丘欲渡恒水從此岸至彼岸

戒不得與比丘尼同一船渡水是故不得比  
丘尼白言大德是我等所尊則應在前我等  
在後尔時夏月天大暴雨江水汎漲船到彼  
岸未還之間日已暮諸比丘尼即在彼岸邊  
宿夜遇惡賊劫奪尔時諸比丘往白佛佛言  
直渡至彼岸者無犯自今已去當如是結戒  
若比丘與比丘尼共期同乘一船上水下水  
除直渡者波逸提比丘義如上共期亦如上  
船者如上所說若比丘與比丘尼共期同一  
船上水下水除直渡若入船裏波逸提若一  
脚在船上一脚在地若方便欲入而不入若  
共期莊嚴一切突吉羅比丘尼突吉羅式叉

摩那沙彌沙彌尼突吉羅是謂為犯不犯者  
不共期若直渡彼岸若入船船師失濟上水  
下水若往彼岸得安隱或為力勢者所持或  
被繫或命難梵行難無犯無犯者最初未制  
戒癡狂心亂痛惱所纏

二十  
八竟

尔時世尊在舍衛國祇樹給孤獨園尔時舍  
衛城中有一居士請舍利弗目連與飯食彼  
即於夜辦具種種美食明日露地敷好坐具  
已白時到尔時偷蘭難陀比丘尼先是居士  
家比丘尼時偷蘭難陀明旦著衣持鉢詣彼  
居士家見居士在露地敷眾多好坐具已即  
問居士言敷此眾多坐具欲請諸比丘耶答

言欲請比丘尼即問言請何等比丘耶報言  
我請舍利弗目連比丘尼語言居士所請者  
盡是下賤人若先語我者我當爲居士請龍  
中之龍居士問言何者是龍中之龍比丘尼  
荅言尊者提婆達三閻陁羅達騫馱羅達婆  
瞿婆離迦留羅提舍是言語之頃舍利弗目  
連已至比丘尼見已語居士言龍中之龍已  
至居士即語比丘尼言汝向者言下賤人今  
云何言龍中之龍耶自今已去勿復來往我  
家尔時居士白舍利弗目連坐即就座而坐時  
居士出種種甘美飲食供養食已除去食器頭  
面禮足更取小牀在一面坐白言我欲得聞

法時舍利弗目連為說種種微妙法勸令歡喜與說法已從座而去還至僧伽藍中往世尊所頭面禮足在一面坐世尊知而故問舍利弗目連言汝等今日受請食為得充足不耶舍利弗目連白佛言食雖充足我於居士家亦是下賤亦是龍中之龍佛問言何故尔耶尔時舍利弗目連以此因緣具白世尊言是提婆達提婆達部黨比丘尼為作勸化供養彼受飲食尔時世尊以此因緣集比丘僧知而故問提婆達部黨比丘言汝等實遣比丘尼往歎譽勸化檀越得食不對曰實尔世尊以無數方便呵責提婆達部黨比丘言汝

所爲非非威儀非沙門法非淨行非隨順行  
所不應爲云何汝等遣比丘尼勸化檀越受  
彼食耶呵責提婆達部黨比丘已告諸比丘  
言此癡人多種有漏處最初犯戒自今已去  
與比丘結戒集十句義乃至正法久住欲說  
戒者當如是說若比丘遣比丘尼勸化得食  
者彼逸提如是世尊與比丘結戒今時諸比  
丘不知有勸化無勸化後乃知或有作波逸  
提懺者或有疑者先不知無犯自今已去當  
如是說戒若比丘知比丘尼教化得食者波  
逸提如是世尊與比丘結戒今時羅閱城中  
有大長者是梨師達親友知識彼作是言若

大德黎師達來至羅閱城者我等當爲黎師  
達初至故供養衆僧長者家比丘尼聞此語  
默然在懷於異時尊者黎師達來入羅閱城  
亦時比丘尼聞尊者黎師達來入城便往語  
長者言欲知不黎師達已來入羅閱城長者  
即遣信至僧伽藍中請之明日清旦願尊者  
意并及衆僧受我食亦時長者即其夜辦具  
種種甘美飲食清旦往白時到亦時諸比丘  
著衣持鉢往詣長者家就座而坐時長者往  
詣黎師達所語言正爲尊者故飯食衆僧時  
黎師達問長者言云何知我來至此也長者  
報言家所供養比丘尼見語黎師達語長者

言若實尔者我不應食此食長者報言我亦  
不從此比丘尼語設此食我先有誓願若梨  
師達來者我設飯食供養衆僧梨師達復語  
長者言雖有此語我亦不應食此食時梨師  
達即止不食尔時諸比丘具白世尊世尊告  
言若檀越先意者無犯自今已去當如是說  
戒若比丘知比丘尼讚歎教化因緣得食食  
除檀越先有意者波逸提比丘義如上教化  
者阿練若乞食人著糞掃衣作餘食法不食  
一坐食一搏食塚間露地坐樹下坐常坐隨  
坐持三衣讚偈多聞法師持律坐禪也食者  
從旦至中得食彼比丘知比丘尼教化得食



食咽咽波逸提除此飯食已教化得餘觀體  
衣燈油塗脚油一切突吉羅知教化教化想  
波逸提教化疑突吉羅不教化教化想突吉  
羅不教化疑突吉羅比丘尼突吉羅式叉摩  
那沙弥沙弥尼突吉羅是謂犯不犯者若不  
知若檀越先意若教化無教化想若比丘尼  
自作若檀越令比丘尼經營若不故教化而  
乞食與無犯無犯者最初未制戒癡狂心亂  
痛惱所纏

二十九竟

尔時佛在舍衛國祇樹給孤獨園時毗舍離  
嫁女與舍衛國人後與姑共諍還詣本國尔  
時阿那律從舍衛國欲至毗舍離國時彼婦

女問尊者阿那律言尊者欲至何處耶荅言  
我欲至毗舍離婦女即言可見將去不荅言  
可尔尔時尊者阿那律便與此婦女同一道行  
尔時婦女夫主先行不在後日還家不見其  
婦即問母言我婦為所在耶其母報言與我  
鬪競便逃走去不知所在尔時夫主速疾往  
逐之於道路得婦將詣阿那律所語言何故  
將我婦逃走耶時阿那律荅言止止莫作此  
語我等不尔長者語言云何言不尔汝今現  
與同道行其婦語夫主言我與此尊者行如  
兄弟相逐無他過惡夫主報言此人今日將  
汝逃走豈可不作此言耶尔時其人即打阿

那律幾斷命根。爾時尊者阿那律即下道在  
一靜處。結跏趺坐。直身正意。繫念在前。入火  
光三昧時。長者見已。便生善心。長者念言。若  
此阿那律從三昧起者。我當禮拜懺悔時。尊  
者阿那律從三昧覺已。長者即便懺悔。唯願  
大德受我懺悔。阿那律受其懺悔。爾時長者  
禮足已。在一面坐。爾時阿那律為長者說種  
種微妙法令。發歡喜心。與說法已。即從坐起  
而去。

爾時阿那律食已。往到僧伽藍中。以此因緣  
具向諸比丘說。爾時諸比丘聞其中。有少欲  
知足。行頭陀樂學戒。知慙愧者。嫌責阿那律。

云何阿那律獨與婦女共一道行。尔時諸比丘往世尊所，頭面禮足，在一面坐。以此因緣，具白世尊。世尊尔時即集比丘僧，知而故問阿那律：言汝實共婦女同一道行耶？荅言實尔。尔時世尊以無數方便呵責阿那律，言汝所爲非非威儀，非沙門法，非淨行，非隨順行。所不應爲。汝今云何與婦人共同一道行耶？尔時世尊以無數方便呵責阿那律，已告諸比丘。此阿那律多種有漏處，最初犯戒，自今已去，與比丘結戒，集十句義，乃至正法久住。欲說戒者，當如是說。若比丘與婦女同一道行，乃至村間波逸提，如是世尊與比丘結戒。

時諸比丘不共期道路相遇有畏慎不敢共  
行佛言不期不犯自今已去當如是說戒若  
比丘與婦女共期同一道行乃至村間波逸  
提比丘義如上婦女者如上說共期者亦如  
上說道者亦如上說若比丘與婦女共期同  
一道行乃至村間隨衆多界分齊一波逸  
提若無村若空寂處行十里波逸提若減一  
村減十里突吉羅若村裏一界共行者突吉  
羅若方便欲行而不行若共期莊嚴而不去  
一切突吉羅比丘尼突吉羅式叉摩那沙弥  
沙弥尼突吉羅是謂爲犯不犯者先不共期  
事須往彼得安隱若爲力勢所持若被繫閉

若命難若梵行難無犯無犯者最初未制戒  
癡狂心亂痛惱所纏三十  
竟

尔時佛在舍衛國祇樹給孤獨園尔時拘薩  
羅國有無住處村有居士爲比丘作住處常  
供給飲食若在此住者當聽一食尔時有六  
羣比丘欲往拘薩羅國無住處村至彼住處  
經一宿得美好飲食故復住第二宿復得美  
好飲食彼六羣比丘作如是念言我所以遊  
行者正爲食耳今者已得彼於此住處數數  
食者時諸居士皆共譏嫌此沙門釋子無有  
厭足不知慙愧外自稱言我知正法如是有  
何正法於此住處數數受食正似我曹常爲

此沙門釋子供給飲食我本爲周給一宿住者耳

尔時諸比丘聞已其中有少欲知足行頭陀樂學戒知慙愧者嫌責六羣比丘言云何六羣比丘於此住處數數受食尔時諸比丘往此尊所頭面禮足在一面坐以此因緣具白此尊世尊尔時以此因緣集比丘僧呵責六羣比丘汝所爲非非威儀非沙門法非淨行非隨順行所不應爲云何於此住處數數受食尔時世尊以無數方便呵責六羣比丘已告諸比丘言此六羣比丘癡人多種有漏處最初犯戒自今已去與比丘結戒集十句義

乃至正法久住欲說戒者當如是說若比丘  
一處住食應受一食若過一食者波逸提如  
是世尊與比丘結戒時舍利弗在拘薩羅  
國遊行詣此無住處村住一宿明日清旦得  
好食舍利弗於彼得病念言世尊制戒比丘  
一宿處應一食若過者波逸提即扶病而去  
病遂增動今時比丘往白佛佛言自今已去  
聽病比丘過受食自今已去當如是說戒若  
施一食處無病比丘應一食若過受者波逸  
提比丘義如上住處者在中一宿食者乃至  
時食病者離彼村增劇者是若無病比丘於  
彼一宿處過受食咽咽波逸提除食已更受



餘襯身衣燈油塗脚油盡突吉羅比丘尼彼  
逸提式义摩那沙弥沙弥尼突吉羅是謂為  
犯不犯者一宿受食病過受食若諸居士請  
大德住我當與食我等為沙門釋子故設此  
宿處供給飲食若不得沙門釋子亦當與餘  
人耳若檀越次第請食若兒若女若妹及兒  
婦次第請食無犯或今日受此人食或明日  
乃受彼人食或水瀑漲道路急難若有賊盜  
虎狼師子或為力勢者所持或被繫閉或命  
難梵行難過食者無犯無犯者最初未制戒  
癡狂心亂痛惱所纏

四分律藏卷第十三

賈客

古上音

相遺

醉下惟反

鍼

字針 裂衣

亦上必反

縫

逢音 牽

挽

晚下音

治熨

下上音持

若緣

聲下去

分齊

去二字並

騫馱

下上去

賀

反 之頃

領下傾反

一搏

下音

咽

咽見於

反襯

反初觀

幾斷

衣上渠反

劇

奇逆反

睦

